

Broj:304/26

Datum:23.03.2026. godine

Na osnovu člana 25., 69. stav (1) tačka a) i 70. stav 3. Zakona o javnim nabavkama Bosne i Hercegovine (Službeni list BiH, broj 39/14, 59/22 i 50/24), preporuke Komisije za javne nabavke br. KJN-282/26 od 17.03.2026. godine direktor JU „Centar za kulturu i turizam“ Cazin donosi sljedeću:

**ODLUKU**  
**O DODJELI UGOVORA ZA NABAVKU RADOVA –**  
**Sanacija i uređenje dvorišta Kuće Nurije Pozderca**

**I**

S obzirom da ponuda ponuđača **DOLA DOO CAZIN** ispunjava zahtjeve ugovornog organa, imenovanom ponuđaču se dodjeljuje Ugovor o javnoj nabavci - **Sanacija i uređenje dvorišta Kuće Nurije Pozderca**.

Po okončanju roka za žalbu, ugovorni organ će pozvati izabranog ponuđača radi zaključenja ugovora u skladu sa članom 98. Zakona o javnim nabavkama kojim će se regulisati međusobna prava i obaveze vezane za predmetnu nabavku, shodno zahtjevima – uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**II**

Ugovorni organ će istovremeno ovom Odlukom obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama.

**Obrazloženje**

JU „Centar za kulturu i turizam“ Cazin je pokrenula postupak: **Sanacija i uređenje dvorišta Kuće Nurije Pozderca** putem provođenja postupka Otvorenog postupka objavljenom na portalu javnih nabavki, obavještenje broj: 2577-1-3-33-3-14/26 od 13.02.2026. godine.

Analizom ponuda pristiglih za **Sanacija i uređenje dvorišta Kuće Nurije Pozderca**, te primjenom kriterija vrednovanja ponuda „najniža cijena tehnički zadovoljavajuće ponude“, Komisija za javne nabavke je zapisnikom br. KJN-282/26 od 17.03.2026.godine, utvrdila da je u roku za dostavu ponuda pristiglo 1 (jedna) ponuda:

- **DOLA DOO CAZIN.**

Komisija je utvrdila da nije bilo neblagovremenih ponuda, niti odbačenih ponuda.

Ponuđači su dostavili original i kopiju ponude, kako je traženo tenderskom dokumentacijom. Ponude su pravilno numerisane i uvezane sa jamstvenikom, kako je zahtjevano tenderskom dokumentacijom.

Nakon završenog ispitivanja da li su ponude dostavljene u skladu sa zahtjevima ugovornog organa, Komisija je pristupila ocjeni cijene ponuda i utvrdila slijedeće stanje:

1. **DOLA DOO CAZIN** sa ukupnom ponuđenom cijenom u iznosu od 231.980,70 KM bez PDV-a.

Utvrđeno je da ponuđene cijene ne prelaze procijenjenu vrijednost nabavke od 232.000,00 KM bez PDV-a.

Svi ponuđača su dostavili kvalifikacijsku dokumentaciju i dokaze tražene tenderskom dokumentacijom, s kojom dokazuju ispunjavanje minimalnih traženih uslova iz tenderske dokumentacije.

Utvrđeno je da sve dostavljene ponude ispunjavaju formalno pravne i tehničke zahtjeve ugovornog organa, pa kao takve mogu biti predmet daljeg vrednovanja.

S obzirom da je pristigla samo jedna prihvatljiva ponuda koja ispunjava sve minimalne tehničke zahtjeve ugovornog organa, održavanje e-Aukcije nije moguće, te se postupak završava u skladu sa članom 69. Zakona o javnim nabavkama BiH.

Konačna rang lista ponuđača je kako slijedi:

RED. BROJ	NAZIV PONUĐAČA	UKUPNI IZNOS PONUDE
1.	<b>DOLA DOO CAZIN</b>	<b>231.980,70 KM (bez PDV-a)</b>

Uzimajući u obzir sve prethodno navedeno, Komisija je dala preporuku da se zaključi ugovor sa ponuđačem **DOLA DOO CAZIN** obzirom da ispunjava sve uslove tražene tenderskom dokumentacijom, te je njegova ponuda 231.980,70 KM bez PDV-a, ocijenjena kao najpovoljnija primjenom kriterija najniže cijene.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu pristiglih ponuda, shodno kriterijima iz Tenderske dokumentacije. U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom za: **Sanacija i uređenje dvorišta Kuće Nurije Pozderca.**

Cijeneći navedeno, odlučeno je kao u dispozitivu.

#### **Pouka o pravnom lijeku:**

Svaki ponuđač koji smatra da je ugovorni organ u toku konkretnog postupka kod izbora najpovoljnijeg ponuđača prekršio odredbe Zakona o javnim nabavkama i/ili podzakonskih akata ima pravo uložiti žalbu na postupak u pisanoj formi u roku od 10 (deset) dana od dana zaprimanja

odluke o izboru najpovoljnijeg ponuđača. Žalba se podnosi ugovornom organu kao prvostepenoj instanci u žalbenom postupku.

Dostavljeno:

- Svim učesnicima postupka nabavke
- Komisiji za javne nabavke
- a/a



DIREKTOR:

  
Sulejman Samardžić, BA